



U REGULAMENTU INTERNU DI I C I M I T Ò CUMUNALI DI A CITTÀ DI BASIA

Rispetto à a lege n° 93-23 di l'8 di ghjennaghju di u 1993 mudificandu u titulu VI du libru III di u Codice di e cumune è relativu à a legislazione di u spaziu funerale è i so decreti consecutivi ;

Vistu u Codice civile, anzitutto i so articoli successivi;

Vistu u Codice Penale anzitutto l'articuli 225-17 è 225-18 è R610-5 ;

Vistu u Codice generale di e cullettività terituriale, anzitutto l'articuli L2213-7 è successivi, L.2223-I è successivi, R2213-2 à R2213-57 è R2223-1 à R2223-98 ;

Vistu a deliberazione di u cunsigliu municipale di a città di Bastia in data di u 2 di ghjugnu di u 2022 purtendu accunsentu à u regulamentu internu di i cimitò cumunali di a città di Bastia;

Cunsiderandu ch'omu deve avvià e misure necessarie da accertà a sigurezza, a salubrità, a tranquillità pùblica, u mantenimentu l'ordine è a decenza di u cimitò.

ARRESTEMU

Premessa,

Fora di menzione espressa, e dispusizione di u regulamentu presente s'appiega à i trè cimitò municipali di a città di Bastia; (Cardu, Ondina, Montesoru).



TÌTULU 1 : DISPOSIZIONE GENERALE

Articulu 1 : Dirittu à l'inumazione:

L'inumazione ùn si ponu fà senza uttene un permessu da u merre di a cumuna o u so rapresentante

Dirittu à l'inumazione:

À e persone morte nant'à u territoriu di a cumuna.

À e persone residente nant'à u territoriu di a cumuna, ogni persona nata sopra locu, dumaticiata o proprietaria nant'à u territoriu di a cumuna.

À e persone incù u dirittu à l'inumazione in una sepultura di famiglia o cullettiva.

À i francesi stabiliti fora di Francia è ch'èntrenu inde i criterii di u campu d'appiecazione di l'articulu L2223-3 4° di u Codice Generale di e culletività.

Articulu 2 : affettazione di i terreni

Includenu i terreni di u cimitò :

- I terreni cumuni attribuiti à a sepultura di e persone morte ch'èntrenu dumandata cuncessione.

A messa à dispusizione di u terrenu si face di manera di gratisi per un tempu di 5 anni, aldilà l'amministrazione comunale si tene u dirittu, rispettu à i bisogni di prucedu à a riduzione di i resti.

E cuncessioni per fundazione di sepulture private.

Articulu 3 : Scelta di i spazii.

I spazii riservati à a sepulture sò fissate da u merre o l'agenti delegati è disegnati da u merre.

Articulu 4 : Ore d'apertura di i cimitò

Cimitò di Montesoru :

Da u luni à a dumenica:

D'istatina: d'invernu:

8 ore à 6 ore è mezu dopu meziornu (da u 1mu d'aprile à u 15 d'ottobre)

8 ore à 5 ore è mezu dopu meziornu (da u 16 d'ottobre à u 30 di marzu)

Cimitò di l'Ondina :

Da u luni à a dumenica:

D'istatina: d'invernu:

8 ore à 6 ore è mezu dopu meziornu (da u 1mu d'aprile à u 15 d'ottobre)

8 ore à 5 ore è mezu dopu meziornu (da u 16 d'ottobre à u 30 di marzu)

Iss'urarii sò mudifichèvuli in casu d'avvenimenti insòliti.

Articulu 5 : Attitudine di e persone in u cimitò comunale

L'entrata di u cimitò hè impedita à e persone briache, à i zitelli di menu di 10 anni senza accompagnamentu, à i visitatori accompagnati d'animali for di i cani ch'è scortanu e persone malvistose è altre persone ch'èntrenu vestute cum'ellu si deve è/o quelle persone ch'averianu un cumpurtamentu indecente



So pruibiti nentru à i cimitò :

Ogni rimore, cumbùgliu, disòrdine, o uffesa fatta à a ritenuta è à a tranquillità

L'appusizione d'affissi, quadri o altri segni d'avvisu nant'à i muri è nentru u cimitò.

U fattu di appichjassi à i muri d'accinta, e ferriate di sepulture, d'attraversà i ricinti sacri, di cullà nant'à i munumenti è làpide, di taglià o sradicà e piante nant'à e tombe di l'altri, di dannighjà di qualsiasi manera e sepulture.

U dipòsitu di rumenzule è di verduraghju fora di i posti riservati.

Ghjucà, beie, o manghjà.

A presa di ritratti o di girami senza autorizzazione di l'amministrazione.

A vendita è a pubblicità, nentru à e porte di u cimitò.

E sunerie di i funini in e cerimonie.

E persone adimesse in u cimitò chì cuntravenenu à isse dispusizione (cumpresi l'uperai chì ci travaglianu) o ch'ella sia per via di u so cumpurtamentu mancherianu di rispettu à a memoria di i morti, seranu di sicuru messi fora da l'impiegati di u cimitò.

Articulu 6 : Arrubbècciu à u preghiudiziu di e famiglie

L'Amministrazione ùn serà tenuta da rispunsivule di l'arrubbecci nentr'à u cimitò.

Articulu 7 : Trafficu di iveìculi

Cimitò di l'Ondina

U trafficu di i veìculi serà tulleratu, ma seranu in l'òbligu di rispettà u còdice stradale di viaghjà à una vitezza massima di 10 chilòmetri à l'ora.

Cimitò di Montesoru :

U trafficu di i veìculi serà tulleratu, ma seranu ind'è l'òbligu di rispettà u còdice stradale, viaghjà à una vitezza massima di 10 chilòmetri à l'ora.

U 2 di nuvembre, U trafficu di i veìculi serà pruibitu da 1 ora di dopu meziornu à 5 ore menu un quartu di sera.

Cimitò di Cardu

Tràfficu di i veìculi hè pruibitu in sopr'à locu.

TITULU 2 : REGULE RELATIVE À L'INUMAZIONE

Articulu 8 : Documenti à rimette à l'arrivu di l'accompagnante

À l'arrivu di l'accompagnante, u permessu d'inumazione cuncessu da u merre di a cumuna averà da esse presentatu à u cunservatore o à u so rapresentante.

Ogni persona chi mancherà à st'òbligu serà passibile di una cundanna censata da l'articulu R 645-6 di u Còdice Penale.

Articulu 9 : Azzione preliminare à l'inumazione

L'apertura di a sepultura serà fatta à minimu 24 ore prima di l'inumazione ; st'operazione devenu



esse fatte da un'impresa ricunnisciuta da l'auturità preffeturale

A sepultura turnerà à esse chjosa subito dopu l'azzione funerale da a stessa impresa.

Articulu 10 : Inumazione in piena terra.

Ogni scavamentu di sepultura in a terra deve esse puntellatu di modu sodu da trave per cunsolidà durentu l'inumazione.

Articulu 11 : Tempi d'inumazione

L'inumazione ùn si pò fà chè dopu un termine à minimu di 24 ore è di un termine massimu di 6 ghjorni à a data di a morte.

Issa scadenza pò esse cambiata in casu di urgenza sè a morte hè accaduta dopu à una malatia appiccaticcia epidèmica, o sè l'urgenza hè dumandata da un duttore o da i casi previsti da a legge.

TITULU 3 : REGULE RELATIVE À L'INUMAZIONE NANT'À TERENI CUMUNI

Articulu 12 : Spaziu trà e sepolture

In u postu previstu in cimitò per e sepolture in terreni cumuni, ogni inumazione si ferà in a fossa specifica distante di l'altre fosse di 40 cm

Ma in casu di calamità, di catastrofa o altri avvenimenti chì puderianu cagionà assai morti,

L'inumazione si feranu ind'è trincere distante di 20 cm.

L'inumazione sarebbenu in successione una dopu l'altra senza lascià spazii liberi tra e sepolture.

L'adopru di cascia ermetica o imputrescibile hè pruibita for di e cundizione sanitarie eccessiuale chì a ricumandanu.

Articulu 13 : Ricuperu di e parcelle

Passatu a scadenza di 5 anni previsti da a legge, a cumuna puderà decide a ripresa di a parcella.

A decisione di u ricuperu serà purtata à a cunniscenza di u publicu per via d'affissu à u serviziu di u statu civile, in merria è in i cimitò.

À partesi da a data di decisione di ricuperu, e famiglie averanu 2 mesi per fà caccia i ricordi funerari è munumenti ch'elle averianu postu nant'à e sepolture.

Passatu a scadenza, a cumuna principierà a smuntera è u spustamentu di i ricordi funerari è munumenti chèi ùn serebbenu micca stati riguarati da e famiglie.

U sutterramentu di i resti si puderà fà.

Passatu sta scadenza, a cumuna piglierà u pussessu è determinerà l'adopru di sti beni micca reclamati. I resti murtali è l'affari di valori hì serianu trovati, seranu messi da parte in un reliquàriu sugellatu. I reliquàrii identificati seranu inumati in l'usuàriu.

I pezzi di cascia seranu incinnerati.

TITULU 4 : REGULE RILATIVE À E CUNCESSIONE È À I TRAVAGLI

L'articulu L. 2223-3 di u codice generale di e cullettività territoriale relative à u dirittu à l'inumazione prevede in un cimitò chì ogni sepultura sia duvuta :



1° A e persone morte nant'à u so territoriu, qualsiasi u so duminiliu ;

2° A e persone duminiliate nant'à u so territoriu, puru s'elle sò morte in un'altra cumuna ;

3° A e persone ch'ùn sò micca duminiliate nant'à a cumuna ma ch' anu u dirittu à una sepultura di famiglia ;

4° A i Francesi stallati fora di Francia ch' ùn anu micca una sepultura di famiglia nant'à a cumuna è puru essendu scritti nant'à e liste elleturale di a cumuna ;

Per l'altri casi, a decisione di cuncede sepulture è quella di dane dipendenu di a pulitica di a gestione di u cimitò

Articulu 14 : Azzioni sottumesse à un permessu di travagli

Ogni intervenzione nant'à una sepultura hè sottumessa à un permessu di travagli da u rispunsevule di u cimitò dopu avvisu di servizii tecnici ch' fissanu e norme e e caratteristiche di l'opere.

L'intervenzioni cunsistenu soprattutto : a stallazione di una lapide, a costruzione di un tumbinu o di un falsu postu, l'appusizione di un munumentu, u rinnovu, a stallazione di parastaghji per e cascie in i tumbini, a costruzione di una cappella, l'apertura di un tumbinu, l'appusizione di sustenimenti per e cascie, l'appusizione di e lastre nant'à u columbarium...

- Un permessu di travagli firmatu da u cuncessiunariu o u so rapresentante, indicherà a cuncessione scelta, i dati di l'intrapresa è a natura di i travagli da fà.

- I travagli seranu definiti in modu precisu è accompagnati da un pianu per specificà i materiali e l'impurtanza è u tempu previstu di i travagli.

Per u casu induve a dumanda ùn era micca eseguita da u cuncessiunariu iniziale, l'intrapresa duverà trasmette à l'amministrazione a prova di a qualità di l'aventi dritti da a persona ch' dumanda i travagli.

Articulu 15 : Viotu sanitariu.

Hè prupostu à e famiglie cunsigli d'architettura è una messa à disposizione da i servizii tecnici un tavolozzu di culori per aiutalli in a so scelta.

L'intervenzioni cunsistenu soprattutto: a stallazione di una lapide, a costruzione di un tumbinu o di un falsu postu, l'appusizione di un munumentu, u rinnovu, a stallazione di parastaghji per e cascie in i tumbini, a costruzione di una cappella, l'apertura di un tumbinu, l'appusizione di sustenimenti per e cascie in i tumbini

- Un permessu di travagli firmatu da u cuncessiunariu è l'intrapresa o i so aventi dritti, indicherà a cuncessione scelta, i dati di l'intrapresa è a natura di i travagli da fà.

- I travagli deveranu esse definiti di modu precisu è accompagnati da un pianu per specificà i materiali e l'impurtanza è u tempu previstu di i travagli.

Per u casu induve a dumanda ùn era micca eseguita da u cuncessiunariu iniziale, l'intrapresa duverà trasmette à l'amministrazione a prova di a qualità di l'aventi dritti da a persona ch' dumanda i travagli.

E cuncessioni prive di tumbini à inumazioni in piena terra, deveranu rispettà un viotu sanitariu altu di 1 metre da a punta di l'ultima cascia è a terra naturale

Articulu 16 : Travagli imposti

L'acquistu o u rinnovu di una cuncessione di terrenu hè sottumessu à i travagli seguenti :



- Limite precisandu a parcella cuncernata.
- Mantenimentu in perfettu statu di una cuncessione esistante

Articulu 17: Custruzioni di i tumbini

Terrenu di 2m²50 :

Tumbinu : lunghezza (L) 2.50m, larghezza (l) 1 m cù un massimu di 5 tumbini è un usuàriu in cunfurmità à e prescrizioni in annessu 1.

Terrenu di 5m² :

Tumbinu : lunghezza (L) 2.50m, larghezza (l) 2m cù un massimu di 8 tumbini è un usuàriu in cunfurmità à e prescrizioni tecniche previste in annessu 1.

E cuncessioni seranu ubbligatorie tracciate è sciffrate da i servizii municipali, una separazione minima di 40 cm serà usservata tra ogni parcella.

Articulu 18 : sepulture in piena terra:

Ci sò 4 tipi di scavamenti :

- 1 metru 50 per e cuncessioni destinate à riceve un (1) corpu
- 2 metru per e cuncessioni destinate à riceve dui (2) corpi
- 2 metru 50 per e cuncessioni destinate à riceve trè (3) corpi
- 3 metru per e cuncessioni destinate à riceve quattru (4) corpi

Stela è monumenti :

E stela è monumenti ùn duveranu micca travanzà e limite di a cuncessione.

Articulu 19 : Fissamentu di una urna nant'à una cuncessione privata.

U fissamentu d i una urna cineraria nant'à una cuncessione privata deve esse dichjarata in preliminare apressu à u cunservatore di u cimitò.

Stu fissamentu duverà esse fattu di manera à parà l'arrubbecci è e cascatoghje.

A rispunsabilità di a cità di Bastia ùn puderà esse ricircata in casu di accidente

Articulu 20 : Tempu di i travaglii

Fora di l'intervenzione indispensevule per l'inumazioni, i travagli sò pruibiti à i seguenti perìudi :
Sabbati, Dumeniche, ghjorni festivi è a simana nanzu à i Santi.

Durante l'inumazioni, hè pruibitu travaglià in a vicinanza di u situ.

Articulu 21 : Sèguitu di i travaglii

A cumuna cuntrullerà i travagli di custruzione di manera à prevene tuttu ciò ch'ellu puderia accade à e sepulture vicine.

I cuncessiunari o custruttori duveranu tenèsi à l'indicazioni date da l'agenti di a cità.

In casi mai o malgradu l'indicazioni è l'ordini, sè u custruttore Maestru d'opera ùn rispetterà a



superficia permessa à e regule imposte, a cumuna puderia fà compie subito subito i travagli.

L'opera di demolizione, di i travagli principiati o eseguiti, serà fatta da l'amministrazione municipale a carica di l'intrapresa chî cuntravene.

I scavi per a custruzione di i tumbini è monumenti nant'à i terreni cuncessi duveranu, esse rincinti da i custruttori, ringhere oppuru prutteti d'ustàculi visibili è sòlidi per parà ogni periculu.

I travagli deveranu esse definiti di manera à ùn cumprumette a sicurezza pùblica è à ùn disturbà u passu è veni in i passeghji.

Alcunu depositu, di corta durata, di terra o di materiale, rivestimentu, è altra roba ùn si puderà fà nant'à e spulture.

Mentre a realizzazione di i travagli seranu pigliate tutte e precauzioni per ùn bruttà e tombe vicine.

Hè pruibitu di spiazà o di caccia i segni funerari presentati nant'à e tombe vicine, senza avè l'autorizzazione di e famiglie interessate è di u cunservatore di u cimitò. I materiali necessari per e custruzioni seranu approvisiunati à manu à manu di i bisogni.

Alcunu arnese mecanicu ùn si puderà ghjovà per u trasportu di materiali nant'à e lapide esistente, si puderà passà solu nant'à u passaghju centrale.

Articulu 22 : Scrizione

L'iscrizioni ammesse di pienu dirittu so quelle di u nome è cugnome di u defuntu è a so data di nascita è di morte ;

Altre scrizione averanu da esse sottumesse à u sgiò merre in preliminare.

Se u testu da culpì serà in lingua straniera , u cuncessiunariu duverà trasmette à so traduzione à l'amministrazione.

Articulu 23 : Chjappe di pulizia

In i cimiteri di Cardu è Montesoru, ùn averanu e chjappe di pulizia à tuccà u duminiu comunale è vènu sottumesse à un'auturizzazione preffetturale di a Cunservatrice di u cimitò.

Articulu 24 : Arnesi di pisatura

I travagli ùn si ponu appughjà nant'à i munumenti vicini o l'alberi, u rivestimentu, di i passeghji o l'otli di cimentu.

Articulu 25 : Esecuzione di i travagli

Dopu i travagli, tuccherà à l'intraprese per sgumbrà i calcinacci è residui di scavi è tutta a roba ghjovata per a custruzione.

l'intraprese aviseranu u cunservatore o u so rapresentante di l'esecuzione di i travagli.

L'impresarii duveranu pulì les abords des ouvrages et réparer, le cas échéant les dégradations qu'ils auraient commises.

U materiale ghjovatu à l'occasione di i travagliu serà subito caciato da l'impresariu. I scavamenti seranu comblées di terra.



Articulu 26 : Acquisstu di e cuncessioni

E persone chì vòlenu una cuncessione inde i cimitò cumunali averanu da addirizzà si à u scagnu di u conservatore.

I professionali beccamorti puderanu fà da mezani.

Quessi averanu da aduprà i furmularii di dumanda di cuncessione messe à a so dispusizione. L'acquistu hè autorizatu da u Merre di a cumuna.

I scecchi relativi à l'acquistu di e cuncessione averanu da esse libellati à l'ordine di u Tesoru Pùblicu.

Da a signatura di l'attu di cuncessione, u cuncessiunariu averà da acquistà i diritti à a tariffa in anda u ghjornu di a signatura.

U prezzu di e cuncessione hè fissatu per deliberazione un Cunsigliu Municipale.

E cuncessione ùn sò micca cessibili è pò sola a Cumuna à benefizià di a retrucessione.

Ghj'hè pussibile d'acquistà una cuncessione cù una lapide in i posti previsti da u ricùperu di l'anzianu terrenu cumunu B in Montesoru

Articulu 27 : Tipi di e cuncessioni

E famiglle anu a scelta trà di e cuncessione seguente :

Cuncessione individuale : à u benefiziu di una persona insignata.

Cuncessione cullettive : à u benefiziu di parechje persone insignate espressamente.

Cuncessione famgliale : à u benefiziu di u cuncessiunariu è i membri di a so famiglia.

E cuncessione di terrenu per un tempu di :

- 15 anni
- 30 anni
- 50 anni
- Per u sempre.

A superficie di u terrenu accurdada hè di 2,50 metri o 5 metri.

E cuncessione di càntere in u culumbariu sò acquistate per 15 è 30 anni.

Articulu 28 : Spaziu Cinnerariu Culumbariu è u giardinu di a memoria

U culumbariu è u giardinu di a memoria sò messi à dispusizione di e famiglie da permette li di dipone l'urne è di mette ci e cennere.

Ùn si ponu spiazà l'urne di u culumbariu o di a tomba induve sò inumate, senza l'autorizzazione speciale di u merre. Stu permessu deve esse dumandatu per scrittu.

E forme di rinnuvellime (di l'articulu 29 di u presente regulamentu) so applichèvule per e cuncessioni di alveole di u culumbariu. In u casu di non rinnuvellime, l'alveole prevista serà ricuperata da a cità, eè e cenere cuntenute in l'urna, seranu sparnucciate in u giardinu di a memoria.

L'alveoli di u culumbariu so assegnate per 15 anni o 30 anni è so rinnuvellate.

E dimensioni di l'alveoli so e seguente :



- larghezza : 0.41m

- altezza: 0.41m

- fundezza : 0.61m

L'alveoli so previste per u depositu di un'urna o di più se e dimensioni à permettenu.

I depositi o ritiri di l'urne ùn si ponu fà senza una dumanda scritta in preliminare à u cimitèu di a merria.

L'apertura è a serratura di l'alveoli so à a carica di e famiglie.

E cuncessioni di l'alveoli ùn ponu custituì un attu di vendita è ùn valenu micca un attu di pruprietà in favore di u cuncessiunariu ma semplicemente un dirittu di gudimentu è di tale usu.

u giardinu di a memoria hè messu à dispusizione di e famiglie per permettelli di dipone l'urne è di sparnucciacci e cenere.

Un'autorizzazione speciale scritta in preliminare à u cimitèu di a merria.

E famiglia puderanu dumandà l'appusizione di una lapida d'identità pruvista da i beccamorti induve sarà scrittu solu i nomi è cuginomi, annata di nascita è di morte di a persona da quale e ceneri so stati sparnucciati.

Articulu 29 : Diritti è obblighi di u cuncessiunariu

U cuncessiunariu deve mantene a cuncessione in bonu statu di pulizia è di intrattinimentu.

U cuntrattu di cuncessione ùn da micca u dirittu di pruprietà ma solu un dirittu di gudimentu è di ghjovu cù destinazione speciale.

In casu di cambiamentu d'indirizzu, u cuncessiunariu è tenutu di infurmà a cità di i so novi dati.

A cuncessione po esse attribuita solu à l'inumazione.

I terreni seranu trattenuti da i cuncessiunari in bonu statu di di pulizia è l'opere in bonu statu di cunservazione è di resistenza.

Nant'à i cimiteri di Cardu è Montesoru, seranu realizzate sultante piantazioni d'ornamentu.

Seranu disposte di manera à ùn disturbà a sorveglianza è u passeghju è ùn duveranu oltrepassà u terrenu cuncessu.

Tutte e piantazione d'arberi so pruibite.

Colpa per i cuncessiunari di suddisfà issi obblighi è dopu à una messa in dimora fermata lettera muta durentu 15 ghjorni, ferà l'amministrazione municipale un'azione davanti à e ghjuridizione repressive.

In casu di periculu, puderà a cità attaccà i travagli d'offiziu à e spese di i contravenenti.

Articulu 30 : Rinnuvellime di e cuncessione

E cuncessione sò da rinnuvellà à a scadenza di ogni perìudu di validità in cunfurmità cù i testi in anda.

U rinnuvellime ùn puderà esse fattu sè nisun sipultura hè stata realizzata. In stu casu, a cuncessione turnerà à a cità à scadenza è dopu u scolu di un tempu di 2 anni.

U cuncessiunariu averà a pussibilità di fà u rinnovu inde i 3 mesi chì vèneru nanzu à a data di scadenza è sinu à 2 anni dopu à a data di scadenza.

A data di presa di effettu di u rinnuvellime hè fissata à u lindumane di a data di scadenza di a cuncessione iniziale. E tariffe appieghèvule seranu quesse in anda u ghjornu di a so ghjunta, à



scadenza e micca à a tariffa in anda à a data di dumanda di rinnuvelime (CA Lyon, 15 di maghju 2003).

Dans l'inde una cuncessione famigliale o cullettiva, ogni inumazione inde i 5 anni chî precèdenu a scadenza, inghjenna u rinnuvelime di a cuncessione chî piglierà effettu à a data di espirazione di u periudu precedente..

Puderà a cità ricusà u rinnuvelime di una cuncessione per mutivi di sicurezza o di salubrità pùblica.

Un puderà una cuncessione fà l'ogettu di un rinnuvelime chè quandu i travagli richiesti da a Cità seranu fatti.

Articulu 31 : Retrocessione

U cuncessiunariu puderà cuncede à a cità una cuncessione nanzu à a so scadenza rispettendu e cundizione seguente :

U o e salme averanu da fà l'ogettu di un'auturizzazione d'inumazione inde un altru cimitò accumpagnatu da a prova di l'acquistu di una cuncessione.

Averà u terrenu da esse resu liberu di ogni custruzione (tumbinu, munimentu...)

- Solu u cuncessiunariu puderà fà a dumanda di retrocessione

U prezzu di a retrocessione accettatu hè calculatu in funzione di u periudu di a manera seguente :

Prezzo iniziale x 2/3 x nùmeru d'annate restante / durata iniziale

Articulu 32 : Ripresa di e cuncessione

In ciò chî tocca à e cuncessione in anda di validità, pò ingagià u Merre una prucedura di ripresa amministrativa sè e cundizione previste da a legge rispettu à e sepulture abandonate sò reunite.

I resti murtali chî vènnenu da e cuncessione sò cullucate inde un reliquiariu è cunservate à l'ossuariu.

TÌTULU 5 : Règule relative à i tumbini pruvisorii

Articulu 33 : Principiu

I tumbini pruvisorii nantu à u situ di Monesoru è di l'Ondina ponu riceve per un tempu massimu di sei mesi, una salma in attesa di reinumazione.

U dipòsitu di a salma si ferà nant'à dumanda presentata da a persona più vicina di u defuntu.

A cascia verà da esse ermética.

U caccià di a salma si ferà inde e forme è cundizione prescritte da l'esumazione.

A a scadenza di i 6 mesi, si riserva u merre u dirittu di fà l'iumazione di a salma inde un terrenu cumunu (articulu R2213-29 CGCT).

TÌTULU 6 : Règule appieghèvule à l'esumazione

Articulu 34 : Dumanda d'esumazione

Nisun'esumazione forchè quelle urdinate da l'auturità giudiziaria ùn puderà esse fatta senza l'accordu di u Merre.



Averà u cheridore à arricà a prova di a reinumazione (Esempiu : attestazione di u cimitò di un'altra cumuna è averà da giustificà di u so statu civile, di a so casa è di a so leia di parentia cù u defuntu).

Puderà esse ricsuta o attempata per ragione relative à l'òrdine bonu di u cimitò, di a decenza o di a salubrità pùblica.

Averà a dumanda da esse furmulata da u parente più vicinu di u defuntu. In casu di disaccordu cù i parenti, puderà esse data unicamente da i Tribunali.

Articulu 35 : Esecuzione di l'uperazione d'esumazione

L'esumazione si feranu à 9 ore di mane o quandu serà chjosu à u pùblicu u cimitò.

Si svolgeranu in presenza di e persone ch'averanu qualità per assiste ci, sottu à a cura di u persunale di u cimitò è in presenza di u cummissaru di pulizza o di u so rapresentante.

Articulu 36 : Misure d'igiene

E persone in càrica di l'esumazione averanu da mette i vestiti è i prudutti di disinfezzione imposte da a legislazione.

Isse uperazione sò realizate da l'impresa o l'associu ch'benefizieghja di l'abilitazione. U legnu di a cascia serà incinneratu. I resti murtali averanu da esse messe cun decenza è rispettu inde un reliquiariu ch' senda è seranu messe inde l'ossuariu previstu.

Sè omu trova un bè di valore, serà cullucatu inde u reliquiariu è una notificazione serà fatta nantu à u prucessu verbale d'esumazione.

Articulu 37: Apertura di e cascie

Sè à u mumentu di l'esumazione, una cascia hè trova in bon statu di cunservamentu, ùn puderà esse aperta.

Issu reliquiariu serà reinumatu inde a listessa sepultura, sia purtata inde un'altru cimitò sia crematizatu, sia messu inde l'ossuariu.

Nisun'offesa à l'integrità fisica di a persona ùn puderà intervenire à l'uccasione di isse uperazione (articulu 225-17 di u Còdice Penale).

Articulu 38 : Riduzione di e persone

Per via di mutivi tirati di l'igiene è di u rispettu dovutu per i morti, ogni reduzzionedumandata da a famiglia di stende a pussibilità d'accolta di una sepultura esistente hè pruibita s'ellu ci si trova u defuntu dipoi menu di 5 anni.

Averà da esse accompagnata a dumanda da l'auturizzazione signata da l'inseme di i parenti più vicini di u defuntu cuncernatu, accompagnata da a fotocopia di a pezza d'identità è di a prova di a so qualità (librettu di famiglia per indettu...).

Articulu 39 : Cascia ermética

Ogni cascia ermética per malatia appiccaticcia ùn puderà fà l'ogettu di un'esumazione.

Articulu 40 : Pulizza di i cimitò

Ogni infrazione à u presente regulamentu serà custatatu da u Cunservatore è u persunale di i



cimitò è i contravenenti perseguitati davanti à e ghjuridizione cumpetente.

Articulu 41 : Dispusizione relative à l'esecuzione di u regulamentu internu

Entre in anda u regulamentu presente u ... / / 20... .

Abulisce u regulamentu internu precedente è s'appiega à l'inseme di i cimitò di Bastia.